



# БИЗНИНГ ЙЎЛИМИЗ — ДЕМОКРАТИК ИСЛОҲОТЛАРНИ ЧУҚУРЛАШТИРИШ ВА МОДЕРНИЗАЦИЯ ЖАРАЁНЛАРИНИ ИЗЧИЛ ДАВОМ ЭТТИРИШ ЙЎЛИДИР

## Президент Ислom Каримовнинг Ўзбекистон Республикаси Конституциясининг 19 йиллигига бағишланган тантанали маросимдаги маърузаси

(Давоми. Бошланиш 1-бетда).

Йўлайманки, 2010 йил ноябрь ойида Олий Мажлисимиз — Парламентимиз томонидан қабул қилинган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси моҳият эътибори билан Ўзбекистонимиз эътибори билан узоқ истикболда ўз олдига қўяётган юксак мақсадларга эришишнинг амалий стратегияси сифатида хизмат қиладиганини мамнуният билан таъкидлаш ўринлидир.

Бу ҳақда сўз юритганда, аввало, конституциявий ислохотларни давом эттириш, мамлакатимизда амалга оширилаётган ўзгаришларнинг қонунчилик, ҳуқуқий ва норматив базасини чуқурлаштириш ва кенгайтиришнинг ҳар томонлама пухта ўйланган дастури янги амалда жорий этишни назарда тутамиз. Ушбу дастур, биринчи навбатда, давлат ва жамият қурилиши соҳасида; суд-ҳуқуқ тизимида; фуқароларнинг ҳуқуқ ва эркинликларини таъминлаш соҳасида; сайлов қонунчилигини янада демократлаштириш; фуқаролик жамияти институтларини шакллантириш ва ривожлантириш ва ниҳоят, мамлакатимизда олиб борилаётган бозор ислохотлари ва бозор инфратузилмасининг самардорлиги ва таъсирчанлигини ошириш соҳасидаги ўзгаришларни ўз ичига олади.

Мамлакатимизни демократлаштириш ва модернизация қилиш бўйича Концепцияда ўз ифодасини толган ислохотлар бир-икки йилга эмас, балки ўнлаб йилларга мўлжалланган ҳал қилувчи муҳим вазифа эканини биз, албатта, яхши англаймиз.

**Бу дастур ўз маъно-мазмунини билан бугунги кунда олдимизда турган энг юксак мақсад бўлиши — мамлакатимизни ривожлантирган демократик давлатлар қаторига кўтариш, халқимиз учун муносиб турмуш шароити яратишга қаратилган эзгу ишларимизни ўзида мумқимасан этиб, жамиятимиз учун давр синовидадан ўтган аяққа ягона тўғри йўл, деб қабул қилишимиз зарур.**

Азиз ватандошлар! Аини шундай буюк мақсадларни ўз олдимизга қўяр эканмиз, бугунги куннинг энг муҳим ва долзарб вазифаси — Концепцияда ва уни амалга ошириш стратегиясида ўз ифодасини толган олижаноб мақсадлар барча-барча юртдошларимиз учун ҳаёт мазмуни ва амалий интилишларга айланиб боришини истардим.

Соддарок қилиб айтганда, саҳоватли Ўзбекистон заминиде яшаётган ҳар қайси одам мамлакатимизда олиб борилаётган ва кўзда тутилаётган барча ислохотлар, авваломбор, унинг манфаати, унинг оиласи ва фарзандлари учун, шу юртининг фаровонлиги ва тараққиёти учун амалга оширилаётганини аниқ-равшан аниқлаб этиши ниҳоятда муҳим аҳамият касб этади. Бунинг учун ҳаммамиз ўз устимизда ишлашимиз, аввало, ҳуқуқий маданият, ҳуқуқий онгимизни юксалтиришимиз, сиёсий фаоллигимиз ва фуқаролик масъулиятимизни оширишни бугунги кунда олдимизда турган энг муҳим вазифалардан бири сифатида қабул қилишимиз даркор. Чунки онги, тафаккури, эътиқоди мустаҳкам бўлган, ўз мустақил фикри билан яшаётган одамни чағлтиб ҳам, қимлардир ҳохлаган томонга оғдириб ҳам бўлмайди.

Бу ҳақиқатни барчамиз, аввало, бугун ҳаётга қириб келаётган ёшларимиз яхши аниқла олганга ишонаман. Қолаверса, бундай қараш, бундай ёндашув билан яшаш биз барпо этаётган ҳуқуқий давлатнинг энг муҳим таркибий қисми, жамиятимизни ўзгартариш ва янгилашнинг асосий шартидир, десак, асло муболага бўлмайди.

Албатта, бугунги кунда ушбу йўналишда давлат ва жамоат ташкилотлари, ноҳукумат тузилмалар томонидан, маърифат идоралари, мактабларимиз, мамлакатимизнинг барча таълим муассасалари тарафидан қўл ишлар қилинмоқда. Лекин шуни ҳам тан олиш керакки, бу ишларнинг микёси, савияси, сифати ва энг асосийси, самарадорлиги замон талабларига тўлиқ жавоб бермайди.

Бу масаланинг яна бир муҳим томони борки, унга алоҳида тўхталиб ўтиш ўринли, деб биланам.

Ҳеч кимга сир эмас, бугунги кунда мустақилликка, мана шу ёруғ кунларга эришиш йўлида кечирган синов ва машаққатларни, истиқлолимизнинг маъно-мазмунини сохталаштиришга қаратилган турли ҳаракатлар тобора ортиб бораётганини кўриш, кузатиш қийин эмас.

Аввало, собиқ совет ҳудудиде эски мустабид тузумни кўрмаган, бу ҳақда етарли маълумотга эга бўлмаган ёшларга нисбатан турли сохта талқин ва уйдирмаларни ишлатиб, уларнинг онгида кечаги совет даврини кўмсаштуйғуси ва кайфиятини уйғотишга

қаратилган урунмалар намоен бўлмоқда.

Бундай ҳаракатларда совет империяси бўлиши собиқ Иттифоқнинг пароканда бўлишини табиий-қонуний ва мантқиқий ҳол деб баҳолашмаслик, бунинг сабабини, авваломбор, бу тизимнинг сиёсий, иқтисодий, мафруравий асосларининг ноқобилигида кўрмаслик ҳолатлари яққол кўзга ташланмоқда.

Шу борада яна бир масалага урғу беришимиз зарур.

Бугунги замоннинг талаблари, тараққиёт суръатларини янада тезлаштириш вазифалари, биринчи навбатда, хали-бери давом этаётган жаҳон молиявий-иқтисодий инқирозини энгиш зарурати интеграциялашув жараёнларини янада кенгайтириш каби ўткир масалаларни кун тартибига қўяётганини биз яхши англаймиз. Яъни давлатлар ўртасидаги савдо-иқтисодий ва инвестицион алоқалар, товар алмашив йўлидаги чегара ва божхона тўсиқларини олиб ташлаш ҳозирги кунда нақадар долзарб аҳамиятга эга эканини тасаввур қилиш қийин эмас.

Шу муносабат билан бир муҳим нарсадан доим сезгир бўлишимиз даркор. Яъни интеграциялашув жараёнларини кўзлаб, шу мақсадда турли давлатларро бирлашмаларни ташкил қилиш бўйича сўз юритганда, айтиш керакки, бундай бирлашмалар вақти келганда тобора сиёсий тус олиб бориши ва бундай ҳолат бирлашма аъзоларининг бошқа хорижий мамлакатлар билан алоқалари ва ҳамкорлигига салбий таъсир ўтказиши мумкин.

Бу ҳақда гапирганда, мамлакатимиз тараққиётнинг ҳозирги босқичида яқин ва ўрта истикболга мўлжалланган, иқтисодиётимиз ва унинг етакчи тармоқларини тубдан модернизация ва диверсификация қилишга қаратилган замонавий юксак технологиялар ва инновацияларни жалб этиш дастурини амалга ошириш энг муҳим устувор йўналишидир.

Биз учун гоят муҳим бўлган бу масалани ҳал этиш йўлида ҳамкорлик қилишга тайёр бўлган барча шерикларимиз билан, уларнинг қаерда жойлашганидан қатъи назар, алоқаларимизни янада ривожлантириш ва мустаҳкамлаш вазифаси айнан шу мақсадга бўйсундирилиши керак.

Бунинг учун биз бугун олиб бораётган, мамлакатимизда энг кўлай инвестицион иқлимни ташкил қилишга, манфаатдор томонларга узоқ муддатда ва ишончли имтиёз ҳамда преференциялар беришга қаратилган сиёсатни давом эттиришга тайёрымиз. Бундай сиёсатни амалга ошириш учун қимнингдир руҳсатини олиш эмас, аввало, Ўзбекистонимиз манфаатини кўзда тутишимиз талаб қилинади.

Азиз юртдошларим, юқориде зикр этилган фикрларни умумлаштириб, айтмоқчиман: тарихни асло орқага қайтариб бўлмайди. Бизнинг ҳалқимиз, кейинги йигирма йил давомида вояга етган навиқрон авлодимиз ҳозирги вақтда эртанги келажагимизга катта ишонч билан қарамоқда ва ўз танлаб олган йўлидан ҳеч қачон — мен тақдор айтаман — ҳеч қачон ортга қайтмайди.

Хурматли дўстлар! Бундан роппа-росса бир йил олдин Конституция кунига бағишланган мажлисда мамлакатимизда одатга айланган аънанани давом эттириб, 2011 йилга “Кичик бизнес ва хусусий тадбиркорлик йили” деб ном беришга қарор қилган эдик.

Жорий йилга айнан шундай ном беришни маъқул топангимизнинг асосий сабаб ва омиллари ҳақида жамоатчилигимиз, халқимиз яхши хабардор.

Ўнда қилиб айтадиган бўлсак, аввало, биз танлаган ва мақсад қилиб қўйган замонавий демократик давлат қуриш, халқимизнинг ҳаёт даражасини муносиб босқичга кўтариш, бозор муносабатларига асосланган эркин иқтисодиётга ўтиш учун хусусий мулк устуворлигини тан олиш ҳисобидан тараққий топаётган мамлакатлар тажрибасини инобатга олган ҳолда, кичик бизнес ва хусусий тадбиркорликка кенг йўл очиб бериш — юқориде зикр этилган мақсадларга эришишнинг узвий бир қисmidир.

Шуни таъкидлаш лозимки, Конституциямизда муҳрлаб қўйилган мақсад, принцип ва қоидаларни амалга ошириш учун кичик бизнес ва хусусий тадбиркорлик соҳасини изчил ривожлантириш масаласи биз мустақилликка эришган дастлабки даврдан бошлаб давлатимизнинг устувор вазифаси даражасига кўтарилгани барчамизга маълум.

Бундай сиёсатни, чуқур ўйланган ва узокни кўзлаган дастурларни амалга ошириш натижасида бу соҳа юртимизда нафақат қайтадан шаклланди, балки унинг мустаҳкам пойдевори яратилди. Энг муҳими, кичик

бизнес ва хусусий тадбиркорлик мамлакатимиз ялпи ички маҳсулоти таркибиде ҳал қилувчи тармоққа, ижтимоий фаол аҳолимизнинг катта қисмини қамраб олган соҳага айланди. Ҳозирги вақтда — шунга урғу бериб айтмоқчиман — иш билан банд аҳолимизнинг 74 фоиздан ортиги айнан шу соҳада меҳнат қилаётгани бунинг яққол тасдиғидир.

Бугунги кунда дунё иқтисодиёти ва халқаро бозор талаблари тез суръатлар билан ўзгариб бораётгани, уч йил олдин бошланган жаҳон молиявий-иқтисодий инқирозини, кўзга кўринган кўпгина экспертларнинг прогнозлари бўйича яна давом этиши, янги тўфон ва зарбалар эътибориш мумкинлигини инобатга оладиган бўлсак, бундай синовларнинг олдини олиш мақсадида кичик бизнес ва хусусий тадбиркорлик ривожига янада катта эътибор бераётганимизнинг сабаби яққол аён бўлади.

Бунинг устига, бугун замоннинг ўзи, жаҳон бозориде рақобат гоят кескинлашиб, авжига чиқаётгани ва тобора шайқатсиз тус олаётгани кичик бизнес ва хусусий тадбиркорликнинг амалий ҳаётимизда янада кенг ўрин эгаллаш, бу соҳа учун янги имконият, имтиёз ва преференциялар яратиб бериш ва унинг ривожини янги босқичга кўтариш масалалари мутлақо бошқача маъно-мазмун топишини ҳаётнинг ўзи тақозо этмоқда.

Шу нуқтаи назардан қараганда, аҳолимизни иш билан таъминлаш, унинг даромадларини янада ошириш, қисқача айтганда, барқарор ҳаётимизни янада мустаҳкамлашдек ўта долзарб масалаларни ҳал қилишда алоҳида ўрин эгаллаб бораётган кичик бизнес ва хусусий тадбиркорлик ривожига янги туртки бериш, бу соҳа олдида турган тўсиқларни бартароф қилиш бугунги ва эртанги кунимиз учун нечоғли катта аҳамиятга эга экани тўғрисида гапириб ортиқча, деб ўйланам.

Аини шундай мураккаб муаммоларнинг ечимини топиш ҳақида бош қотирар эканмиз, 2011 йилга “Кичик бизнес ва хусусий тадбиркорлик йили” деб ном берганимиз нақадар долзарб эканини ва бу йўналиш ақин ва узоқ келажагимизда, ҳеч шубҳасиз, ҳал қилувчи ўрин эгаллашига амин бўлишимиз табиийдир.

Энди жорий йилда бу соҳада амалга оширган ишларимиз ҳақида қисқача гаплашиб олишим ўринли, деб биланам.

Ҳаммамиз тушунамизки, йил якуни билан бу йўналишда қабул қилган дастуриимизнинг ижроси ҳақида, бу масалага дахлдор бўлган давлат идоралари, ижтимоий ва нодавлат ташкилотлар шу борада қандай ҳисса қўшганлари ва бу соҳада биз нималарга эришаётганимиз ҳақида атрофлича хулоса чиқариш вақти келади, албатта.

Мен, бугунги фурсатдан фойдаланиб, сизларнинг руҳсатингиз билан бу масаланинг фақат икки йўналишига эътибор қаратишни зарур, деб ҳисоблайман. Яъни кичик бизнес ва хусусий тадбиркорлик соҳаси тараққиётининг суръат ва самарадорлигини янада ошириш мақсадида қабул қилинган қонунлар, фармон ва қарорлар асосида берилган янги имтиёз ва преференциялар, қулайликлар, бир сўз билан айтганда, бу йўналишни янги босқичга кўтариш бўйича қилинган амалий ишлар ҳақида ва бу тадбирлар тўғрисида эришган натижаларимиз тўғрисида қисқача тўхталиб ўтмоқчиман.

Бу ҳақда гапирганда, аввало, кичик бизнес субъектларини улар давлат рўйхатидаги олинган пайтдан бошлаб дастлабки режали солиқ текширувларидадан ўтказмаслик мурдатта 2 йилдан 3 йилга узайтирилган, барқарор ўсиш суръатлари ва рентабелликни таъминлаган субъектларни текширишдан ўтказиш мутлақо тақиқланганини қайд этиш лозим.

Шулар қаторида давлат ва назорат органларининг тадбиркорлик субъектлари молия-ҳўжалик фаолиятига аралашувини кескин қисқартриш масаласи йил давомида доимий эътиборимиз марказида бўлганини кўп мисолларда кўриш мумкин.

Кичик бизнес ва хусусий тадбиркорлик субъектлари учун ягона солиқ тўлови ставкаси 7 фоиздан 6 фоизга туширилган, янги ташкил этилаётган кичик корхоналарни рўйхатдан ўтказиш пайтидаги ва ундан кейинги тартиб-қоидаларни янада соддалаштириш бўйича амалга оширилган чора-тадбирлар бу борада муҳим аҳамият касб этганини таъкидлаш ўринлидир.

Айтиш керакки, бугунги кунда ўз хусусий ишини очмоқчи бўлган тадбиркорлар 2 кун давомида тегишли рухсат олиш имкониятига эга бўлиб, бу мурдат ривожланган давлатлардаги мавжуд мезонларга ҳар

томонлама мос келади. Энг муҳими, тегишли ташкилотга бориб, эшикма-эшик юришга бутунлай барҳам берилиб, “битта дарча” тамойили жорий этилгани кўпчилик тадбиркорлар учун айни мурдао бўлмоқда.

Шу билан бирга, кичик бизнес субъектларини давлат харидларига кенг жалб этиш механизми йўлга қўйилиб, бу ишлар Ўзбекистон товар-хом ашё биржасида электрон савдо-лар орқали олиб борилаётгани алоҳида эътиборга сазовордир.

Кичик бизнес субъектлари ишлаб чиқараётган маҳсулотларни сотиш ҳажми ўтган давр мобайнида қарийб 2 баробар кўпайиб, 600 миллиард сўмини ташкил этгани, зарур хом ашё ресурсларини қўшиб ҳисоблаганда, бу қўрсаткич 2 триллион 800 миллиард сўмдан ошгани ана шундай тадбиркорлик натижасидир. Яна шуни қайд этиш лозимки, аини шу механизмимиз татбиқ этганимиз тўғрисида 13 миллиард сўмдан ортиқ бюджет маблағини тежашга эришилди.

Бугунги кунда биз кичик бизнес ва хусусий тадбиркорликни ривожлантиришда фақат савдо-сотик, майда хонармандчилик билан чекланиб қолмасдан, биринчи навбатда, замонавий технология ва асбоб-ускуналар асосида саноят маҳсулотлари ишлаб чиқарадиган, ички ва ташқи бозордаги ўзгаришларга тез мослашадиган хусусий тадбиркорлик соҳасини тараққий эттиришга алоҳида аҳамият бермоқчимиз.

Жорий йилнинг 9 ойи давомида тижорат банклари томонидан кичик бизнес ва хусусий тадбиркорлик субъектларига 3 триллион 200 миллиард сўм миқдориде кредит ажратилиб, уларнинг учдан бир қисминдан кўпроги замонавий асбоб-ускуналар харид қилиш учун берилгани, айниқса, эътиборлидир.

Ана шу давр, яъни жорий йилнинг 9 ойи давомида шу йўналишда қарийб 100 миллион АҚШ доллари миқдориде маблағ ўзлаштирилганининг ўзи бугунги кунда кичик бизнеснинг салоҳияти ва қиёфаси тобора ўзгариб бораётганининг далилидир.

Бу борада амалга оширилган чора-тадбирлар тўғрисида кичик корхоналар экспорт ҳажми 2011 йилнинг ўзида 2 миллиард АҚШ долларидан ошиши, уларнинг ялпи экспортгаги улуши эса 16,3 фоизга етиши кўришмоқда.

Бундай салмоқли кўрсаткичларни, авваломбор, соҳани замонавий ускуна ва технологиялар билан жиҳозлаш, ушбу тармоқда меҳнат қилаётган ишчи-муҳандисларнинг малакаси, кичик бизнес ва хусусий корхона эгаларининг ишбилармонлик маҳорати тобора ошиб бораётганининг эркин намоени сифатида қабул қилиш ўринли бўлади.

Мазкур соҳанинг ривожланиши билан чамбарчас боғлиқ бўлган муҳим масалалардан яна бири — бу жорий йилда юртимизда яратилган қарийб 1 миллионга яқин иш ўрнининг 610 миңдан зиёди ёки 64 фоизи айнан кичик бизнес ва хусусий тадбиркорлик ҳисобидан ташкил этилгани, ҳеч шубҳасиз, бу тармоқ, тақрор айтаман, Ўзбекистон учун энг долзарб масалалардан бири бўлиши аҳолини иш билан банд қилишда етакчи ўрин эгаллаб бораётганининг яққол тасдиғидир.

Ўтиб бораётган йилда амалга оширилган бундай кенг қўламли ишлар ҳақидаги фикрларни яна давом эттириш мумкин. Буларнинг амалий натижаси сифатида кичик бизнес ва хусусий тадбиркорликнинг мамлакатимиз ялпи ички маҳсулотидаги улуши ҳозирги вақтда — шунга алоҳида эътибор беришнингизни сўрайман — 54 фоизни ташкил этишининг ўзи, ўйлайманки, кўп нарсани аниқлатади.

Азиз юртдошлар! Кичик бизнес ва хусусий тадбиркорликнинг мамлакатимиз тараққиётида, авваломбор, халқимиз учун муносиб ҳаёт барпо этиш, олдимизда турган мураккаб ва масъулиятли вазифаларни амалга ошириш борасида қандай ҳал қилувчи ўрин ва таъсирга эга бўлиб бораётганига бугун амалий ҳаётимизда ҳар қадамда гувоҳ бўлмоқдамиз. Ва бу соҳа эртанги кунимиз, истиқболимизнинг ҳақиқатан ҳам, мустаҳкам пойдеворига айланиб, янада ривожланиб бориши аниқ ва муқаррардир.

Табиийки, Ўзбекистонимизда мазкур соҳанинг ривожланиши учун астойдил ҳаракат қилаётган барча бизнес эгалари, шу тармоқда ўрнини топиб, ўз оиласи учун муносиб яшаш шароитини яратаётган, фаровон ҳаёт сари қадам қўяётган инсонлар аини шу йўлдан ҳеч қачон қайтмайди, десам, ўйлайманки, барчангиз бу фикрга қўшилиасиз.

Шу борада яна бир муҳим хулоса. Кичик бизнес ва хусусий тадбиркорлик ривожидан манфаатдор бўлган мулк эгалари, жамиятимизнинг суянчи ва таянчига айланиб бораётган, ўрта

синф деб ном олган бу ижтимоий қатлам ўз уйи, ўз мулкини ҳимоя қилиш, бунинг учун юртимизда тинчлик ва барқарорликни мустаҳкамлашнинг қанчалик муҳим эканини ҳар томонлама аниқлаб, ҳал қилувчи куч сифатида майдонга чиқиси эртанги кунимизнинг янада ёруғ бўлишига ишонч бағишлайди.

Фурсатдан фойдаланиб, ушбу соҳада фаолият юритаётган, ўзини шу замин, шу диёрнинг чинакам юртпарвари деб биладиган, ҳаётимизда тинчлик ва осойишталик, аҳиллик ва ҳам-жихатликни сақлашга улкан ҳисса қўшиб келаётган барча инсонларга чин қалбимдан самимий ҳурматини билдириш ва уларга янги-янги омадлар тилашни ўзим учун ҳам қарз, ҳам фарз деб биланам.

Мутарам ватандошлар! Энди сизлар билан кириб келаётган янги — 2012 йилга ном бериш ҳақида фикр алмашиб, бир қарорга келишимиз лозим.

Аввало, ҳар қайси йилга ном беришдан асосий мақсад — бутун халқимиз, жамиятимизнинг орзу-ният ва интилишларини ифода этадиган, эртанги кунимизнинг равнақига хизмат қиладиган энг устувор йўналишни аниқ белгилаб олиш ва уни амалга ошириш учун бор куч ва имкониятларимизни сафарбар этишдан иборат эканини яна бир бор аниқлаб олишимизни истардим.

Албатта, ижтимоий ҳаётимизда бир-биридан муҳим, бир-биридан зарур вазифалар қўпчилигини ҳаммамиз яхши тушунамиз. Шулар қаторида бугунги кунда энг долзарб, эл-юртимиз, аввало, инсон манфаатларини биринчи ўринга қўядиган ҳар томонлама муҳим йўналишни аниқлаб олиш бу борада алоҳида аҳамиятга эга.

Ҳеч қимга сир эмас, бу дунёда ҳар қайси инсон вояга этиб, касб-хунарга эга бўлиб, ҳаётда ўз ўрни ва келажagini аниқлаб, оила қуришни истаиди.

Онгли яшайдиган ҳар бир одам яхши англайдики, бу ёруғ оламда ҳаёт бор экан, оила бор. Оила бор экан, ҳаёт абадийлиги, бебаҳо неъмат бўлиши фарзанд бор. Фарзанд бор экан, одамзод ҳаммаша келажагини ўйлаб, эзгу орзу ва интилишлар билан яшайди.

Бугунги кунда биз ҳеч қимдан кам бўлмайдиган демократик давлат, халқимиз учун овоз ва фаровон ҳаёт қуриш мақсадлари билан яшар эканмиз, оила институтини янада мустаҳкамлаш, бу борада олиб бораётган ишларимизни янги босқичга кўтариш алоҳида аҳамият касб этади.

Буларнинг барчасини инобатга олган ҳолда, сизларнинг руҳсатингиз билан, кириб келаётган янги — 2012 йилга юртимизда “**Мустаҳкам оила йили**” деб ном беришни тақлиф этанам.

Янги йилга мана шундай ном беришимиз, азал-азалдан халқимиз учун муқаддас бўлиши оилани ҳаётимиз таянчи ва суянчи, жамиятимизнинг ҳал қилувчи асосий бўғини деб қабул қилишимиз замирида, ҳеч шубҳасиз, жуда катта маъно-моҳият мумқимасам. Чунки, оила соғлом экан — жамият мустаҳкам, жамият мустаҳкам экан — мамлакат барқарор. Буни исботлаб, тасдиқлаб беришнинг ҳеч қандай ҳожати йўқ.

2012 йилга “Мустаҳкам оила йили” деб ном беришимиз муносабати билан давлат идоралари, нодавлат ва ижтимоий ташкилотлар, хайрия жамғармалари билан биргаликда ишлаб чиқилиб қабул қилинадиган дастурда аини шундай эзгу тушунча, орзу-интилишларимиз ўз ифодасини топиши лозим.

Бу ҳақда гапирганда, аввало, мамлакатимизда оила институтини ривожлантириш ва тақомиллаштириш бўйича янгитдан қабул қилинадиган қонун, қоида ва нормаларда бугунги ва эртанги кунимизнинг талаблари акс этиши, амалдаги қонун ҳужжатларига зарур ўзгариш ва қўшимчалар киритиш, бу масалага жамиятимизнинг эътиборини янада қучайтириш кўзда тутилаётганини таъкидлаш керак.

**Иқкинчидан**, барчамиз яхши тушунамиз, мустаҳкам оила ва бахтли турмуш, авваломбор, оила қурадиган ёшларнинг ўзига, уларнинг ақл-заковати, маънавий фазилатларига, оила, жамият олдидаги ўз бурчи ва масъулиятини чуқур аниқлаб этишига боғлиқ.

Бу ҳақиқатни ҳеч қим инкор этолмайди. Лекин энди пайдо бўлган, катта умид билан ҳаётга қадам қўяётган ёш оилани моддий ва маънавий жиҳатдан кенг қўллаб-қувватлаш, уларга кўмак, имтиёз ва имкониятлар яратиб бериш, аввало, уй-жўчи билан таъминлаш — буларнинг барчаси учун нафақат ота-оналар, биринчи навбатда, давлат ва жамиятимиз масъулдир, десак, аини ҳақиқатни айтган бўламиз.

Албатта, бугунги кунда юртимизда ёш оилаларга кўрсатилаётган эътибор

ва гамхўрлик ҳақида кўп гапирши мумкин. Шу билан бирга, ҳолисона тан олишимиз даркор — ана шундай саъй-ҳаракатларимизни изчил давом эттириш, қаерда бўлмасин, марказда, шаҳар ёки қишлоқ жойларда бўладими, эзгу мақсадларимизнинг ҳар томонлама тасдиғини кўриш учун ҳали жуда кўп ишларни амалга оширишимиз керак.

Шу ҳақда гапирар эканмиз, бу масъулиятли вазифаларни муваффақиятли адо этиш, биринчи навбатда, давлат идораларининг раҳбарлари, кенг жамоатчилигимиз, турли ижтимоий тузилмаларнинг ташаббуси ва амалий ҳаракатларига боғлиқ экани барчамизга аён бўлиши даркор.

**Учинчидан**, “мустаҳкам оила” деган гоёнинг ҳаётимиздаги амалий ифодасини кўришда, ҳеч шубҳасиз, фуқароларнинг ўзини ўзи бошқариш идораси сифатида ном қозонган маҳалла тизимининг ўрни ва таъсири беқийёсдир. Бунинг исботини бугун ҳар қадамда кўраётганимизни таъкидлаб ўтишни истардим.

Ҳақиқатан ҳам, бундай ноёб ижтимоий тузилма ҳозирги кунда “Маҳалла — халқ виждони” деган юксак таърифга ҳар тарафлама муносиб бўлиб бормоқда.

Айниқса, ёш оилани ҳаётнинг турли тўфонларидан асраш, унинг мустаҳкам оёққа туриб олиши учун елкадош бўлиш, бу борада зарур кўмак, маслаҳат кўрсатишда маҳалланинг роли ва аҳамиятини ҳеч нарса билан қийслаб бўлмайди.

Ўйлайманки, қабул қилинадиган дастурда маҳалла идорасининг жамиятимиздаги, кундалик ҳаётимиздаги моҳиятини кенгайтириш ва нуфузини янада ошириш масалаларига алоҳида аҳамият бериш ўринлидир.

# ЭРКИН ВА ФАРОВОН ҲАЁТИМИЗНИНГ ҲУҚУҚИЙ КАФОЛАТИ

(Давоми. Бошланиши 1-бетда).

Давлатимиз раҳбари юртимизда амалга оширилган ётган изчил ислохотлар Конституциямиздаги тамойиллар ва қоидаларнинг амалдаги ифодаси эканини алоҳида таъкидлади. Биз танлаган йўл — бугун халқро ҳамжамият томонидан тан олинган тараққиётнинг “Ўзбек модели”ни босқичма-босқич амалга ошириш жараёнида эришаётган барча ютуқларимиз, ҳаётимизга янгича мазмун бағишлаётган ислохотлар Конституциямиз қоидаларига тўла мосдир.

Бу йил Ватанимиз мустақиллигининг йигирма йиллигини кенг нишонладик. Халқимиз истиқлол йилларида эришаётган бемисол ютуқларда Президентимиз Исло Каримов раҳбарлигида ишлаб чиқилган Ўзбекистон Республикаси Конституциясида белгиланган тамойиллар мустаҳкам ҳуқуқий асос бўлиб хизмат қилмоқда. Зеро, Асосий Қонунимиз ўзининг мазмун-моҳияти

билан инсонпарвар демократик ҳуқуқий давлат барпо этиш, инсон ҳуқуқлари устуворлигини, тинчлик ва тотувликни таъминлаш каби юксак мақсадларга эришишнинг муҳим кафолатидир.

Президентимиз Исло Каримов ташаббуси билан 2011 йил — “Кичик бизнес ва хусусий тадбиркорлик йили” деб эълон қилинган эди. Бу борада махсус Давлат дастури ишлаб чиқилиб, изчил амалга оширилмоқда.

Махсус дастур асосида кичик бизнес ва хусусий тадбиркорликни янада ривожлантириш, қулай бизнес муҳитини яратиш, жамиятимизда хусусий мулк аҳамиятини тубдан ошириш, иқтисодиётда давлатнинг аралашувини камайтиришга қаратилган комплекс чора-тадбирлар бажарилди. Тадбиркорларнинг ҳуқуқлари ва қонуний манфаатларини муҳофаза қилишнинг ҳуқуқий асослари такомиллаштирилди.

Кичик бизнес ва хусусий тадбиркорлик бугун мамла-



катимиз иқтисодиёти таянчи, халқимиз фаровонлигининг муҳим кафолатига айланди. Ички бозорни рақобатбардош ва сифатли маҳсулотлар билан тўлдириш, янги иш ўринлари яратиш, аҳоли даромадларини кўпайтиришда махсус соҳанингни ўрни ва аҳамияти кундан-кунга ошириб бораётгани бунга мисолдир.

Президентимиз Исло Каримов кириб келаётган янги — 2012 йилни мамлакатимизда “**Мустаҳкам оила йили**” деб эълон қилишни тақдир этди. Давлатимиз раҳбарининг бу тақлифи йиғилганлар томонидан гулдурас қарсақлар билан қўллаб-қувватланди.

Тантанали маросим санъат усталари ва ёш ижрочиларнинг байрам концерти билан якунланди.

(Ў.А.), Сарвар ЎРМОҲОНОВ, Альо АБДУЛЛАЕВ олган суратлар.

(Давоми. Бошланиши 1-бетда).

Президентимиз Исло Каримов раҳнамолигида демократик давлат, фуқаролик жамияти барпо этиш, иқтисодиётимизни бозор муносабатларига ўтказиш ва ривожланган давлатлар қаторидан муносиб жой олиш йўлида эришаётган ютуқларимиз ҳақини ахлини ҳақли равишда ҳайратда қолдирмоқда. Иқтисодиёт-

ватлари, қўшма корхоналар барпо этилди. Президентимиз ташаббуси ва гоёси асосида пойтахтимиз марказида қад ростлаган “Маърифат маркази” мажмуи маънавий ҳаётимизда муҳим воқеа бўлди. Халқаро симпозиумлар саройи ва Алишер Навоий номидаги Ўзбекистон Миллий кутубхонаси жойлашган ушбу муҳташам бино истиқлол йилларида

вийат ва маърифат, оммавий ахборот воситалари, ҳуқуқни муҳофаза қилиш органлари, мудофаа, фавқулодда вазиятлар вазирилари ходимлари ва давлат хизматчиларига Ватанимизнинг юксак муқофотлари топширилди. — Президентимиз Исло Каримов ташаббуси билан болалар спортини ривожлантириш борасида улкан ишлар амалга оширилмоқда, — дейди

# БУ ЮРТДА ҲАЛОЛ МЕҲНАТ ҚАДР ТОПАДИ

нинг мафқурадан холилиги ва сиёсатдан устунлиги, давлатнинг бош ислохотчи вазифасини бажариши, қонун устуворлигини таъминлаш, қучли ижтимоий сиёсат юритиш, ислохотларни босқичма-босқич ва изчил амалга ошириш тамойилларига асосланган эркин бозор иқтисодиётга ўтиш барча соҳалардаги ютуқларимизда муҳим омил бўлмоқда.

Истиқлол йилларида шаҳар ва қишлоқларимиз киёфаси таниб бўлмаган даражада ўзгариб, янада чирой очаётир. Миллий ва жаҳон меъморчилик аъёнларининг энг сўнгги ютуқларини ўзида акс эттирган янгидан-янги иншоотлар, ижтимоий объектлар, санъат ва маданият саройлари, илм-маърифат масканлари, кенг ва раво йўли кўприклар барпо қилиш ҳам аҳамиятларимизни фидойилик намунасини намоян этмоқда.

Давлатимиз мустақиллигининг 20 йиллиги муносабати билан қўллаб-янгиланган чикариш қув-

эришган ютуқларимиз, халқимизнинг буюк бунёдкорлик ва яратувчанлик салоҳиятининг ўзига хос тимсолига айланди.

Ўсиб келаётган авлоднинг буюк аждодларимизга муносиб ворислар этиб тарбиялаш, улар қалби ва онгини миллатимизга беғона гоёлар, “оммавий маданият”нинг зарарли таъсиридан ҳимоялашда, ёшларни жисмонан ва маънаван баркамол шахс этиб вояга етказишда олимлар, устоз ва мураббийлар, шифокорлар, санъаткорлар, маданият ходимлари, маънавият тарғибчилари, журналистларнинг хизмати, айниқса, каттадир. Уларнинг заҳматли меҳнати диёримизда ҳамиша ардоқланган, раҳмат ва эътибор топган.

Ўзбекистон Республикаси Конституциясининг 19 йиллиги байрами арафасида бўлиб ўтган тантанали тадбирларда бир гуруҳ ишлаб чиқариш, ижтимоий-иқтисодий соҳалар, фан, таълим, соғлиқни сақлаш, адабиёт, маданият, санъат, маъна-

Тошкент шаҳридаги 15-болалар ва ўсмирлар спорт мактаби директори, “Эл-юрт хурмати” ордени соҳиби Иброҳимжон Имомжонов. — Бугун мамлакатимизнинг энг чека худудларида ҳам муҳташам спорт саройлари, болалар спорт мактаблари қад ростламоқда. Уларга қатнайдиган ёш спортчилар, айниқса, қизлар сафи тобора кенгаймоқда. Буларнинг барчаси фарзандларимизнинг соғлом ва баркамол инсонлар бўлиб вояга етиши йўлидаги меҳр ва эътиборнинг амалдаги ифодасидир.

— Мустақиллик туфайли биз, ижод аҳли ҳам янги-янги имкониятларга эга бўлдик, — дейди Ўзбекистон халқ артисти, “Меҳнат шухрати” ордени соҳиби Эркин Комилов. — Президентимиз томонидан курсатилган бундай улкан эътибор ва рағбат санъаткорларимизни янада кўпроқ изланишга, замонашларимиз образи яратилган асарлар ёзишга, саҳнада ижро этишга ундайди.

(Ў.А.)

## Дунё нигоҳи

Яқинда мамлакатимизнинг Германиядаги элчихонасида Берлин/Бранденбург ҳудуди Иқтисодий консуллар бирлашмаси ҳамда Етақчи экспертлар хизмати (SES) Берлиндаги ваколатхонаси билан ҳамкорликда ўтказилган, Ўзбекистоннинг сарможий ва сийёҳлик салоҳиятига бағишланган давра суҳбати немис оммавий ахборот воситаларида кенг ёритилди.

## ГФР оммавий ахборот воситалари Ўзбекистон ҳақида

Жумладан, умумжаҳон ахборот тизимидаги “Berliner-Blatt” ва “Studio96-berlin.de” электрон нашрлари саҳифаларида эълон қилинган “Ўзбекистонга сармоя киритиш” сарлавҳали мақола муштарийларни Ўзбекистоннинг Берлиндаги дипломатия ваколатхонасида бўлиб ўтган махсус тадбир тафсилотлари билан атрофлича таништиради.

“Давра суҳбати чоғида элчихона ва Берлин/Бранденбург ҳудуди Иқтисодий консуллар бирлашмаси, шунингдек, Ўзбекистон билан яқин иқтисодий алоқалар ўрнатган Германия ишбилармон доираларининг вакиллари тадбир иштирокчиларини республикада хорижлик сармоядорларга яратилган шарт-шароитлар ҳамда мамлакатда инвестициявий муҳитни либераллаштириш бўйича амалдаги қонун ҳужжатлари ва уларнинг ўзига хос жиҳатлари билан таништирдилар”, дея қайд этилади махсус мақолада.

Шунингдек, Ўзбекистон ҳуқуқимизнинг хорижлик сармоядорларни ҳимоя этиш ва уларни рағбатлантиришга алоҳида эътибор қаратаётгани республика иқтисодиётига сармоялар ётқизиш жозибадорлигининг муҳим омилларидан бири ҳисобланиши ҳам мақолада алоҳида таъкидланади. Хусусан, унда ёзилишича “мамлакат халқро ҳамжамият томонидан эътироф этилган салоҳиятли илмий тадқиқот базасига эга. Кўплаб хорижлик, шу жумладан, немис сармоядорлари ҳам турли ўзаро манфаатли инвестициявий лойиҳаларда фаол иштирок этмоқда”.

Мақолада Ўзбекистоннинг бой сийёҳлик салоҳияти ҳам афрофлича қаламга олинган. “Мамлакат неча минг йиллик тарихини ўз бағрида яшириб ётган кўплаб осориюқалари билан, айниқса, машҳурдир. Тошкент, Самарқанд, Бухоро ва бошқа шаҳарлардаги аксарият тарихий ёдгорликлар ЮНЕСКОнинг Умулжаҳон мероси рўйхатидан ўрин олган. Ушбу шаҳарларда бунёд этилган замонавий меъморий иншоотларнинг ташқи кўриниши эса тарихий меъморий ёдгорликлар қиёфаси билан уйғунлашиб кетган”, дея ёзилади махсус мақолада.

«Жаҳон» АА. Берлин

## МУВОФИҚЛАШТИРИШ КОМИССИЯСИ ЙИГИЛИШИ

Ўзбекистон Республикаси Вази́рлар Маҳкамаси Ахборот фаолияти ва маълумотлар узатиши такомиллаштириш ва самарадорлигини ошириш бўйича идоралараро мувофиқлаштириш комиссиясининг йиғилиши бўлиб ўтди.

Йиғилишда Ўзбекистон Республикаси Вази́рлар Маҳкамасининг 2004 йил 20 декабрда қабул қилинган “Телерадиоэшиттириш соҳасида радиочастота спектридан самарали фойдаланишни таъминлаш чора-тадбирлари тўғрисида”ги қарорига мувофиқ, радиочастоталарни танлов йўли билан тақсим-

лаш ва телерадиоэшиттириш соҳасида фаолиятни амалга ошириш ҳуқуқига яқна тартибдаги лицензиялар бериш бўйича танлов ўтказилди.

Танловга Самарқанд шаҳридан жами 3 радиочастота бўйича тушган буюртманомалар кўриб чиқилди ва голиблар аниқланди.

Комиссия томонидан теледастурларни тарқатиш ва маълумотлар узатиш тармоқларида хизматлар кўрсатиш билан шуғулланидиган ҳўжалик юритувчи субъектларнинг лицензия олиш учун берган аризалари кўриб чиқилди.

Йиғилишда, шунингдек, комиссия фаолиятига доир бир қатор бошқа масалалар ҳам кўрилди ва тегишли қарорлар қабул қилинди.

Мамлакатимиз истиқлолнинг дастлабки кунларидан демократик дунёвий давлат куриш йўлидан қатъият билан бормоқда. Давлатимизнинг ҳар томонлама қўллаб-қувватлаши ва эътибори туфайли дин ҳамда виждон эркинлиги соҳасида муҳим ўзгаришлар рўй берди. Бу ўзгаришлар юртимизда диний ҳаётга жиддий таъсир кўрсатди, натижада диний ташкилотлар мақоми ўзгарди ва фуқароларнинг дин борасидаги эркинликлари сезиларли даражада кенгайди.

## ТОТУВЛИК ВА ҲАМЖИҲАТЛИК МУҲИТИДА

Ўзбекистонда 2225 диний ташкилот, жумладан, 2050 мусулмон, 158 христиан ташкилоти, 8 иудей, 6 бахаистик, битта кришнаитлар жамияти, будда ибодатхонаси, шунингдек, динлараро Ўзбекистон Библия жамияти рўйхатга олинган.

Диний ташкилотлар жамият ҳаётида фаол иштирок этмоқда, ижтимоий хайр-саховат ишлари, маданий-маърифий, таълим, ноширлик ва ҳўжалик фаолияти билан самарали шуғулланмоқда. Айнан шу боис Ўзбекистонда фуқароларнинг эътиқод эркинлигига доир ҳуқуқларини амалга оширишлари учун барча шарт-шароит яратилган, дейишга етарли асослар бор.

Ўзбекистон Республикасининг Конституциясига мувофиқ, миллатлараро тотувлик ва динлараро бирдамликка эришиш мақсадида фуқароларнинг ҳуқуқ ва эркинликларини таъминлаш, ҳимоя қилиш, мустаҳкамлаш, жинси, ирқи, миллати, тили, дини, ижтимоий келиб чиқиши, эътиқоди, шахси ва ижтимоий макеидан қатъи назар, уларнинг қонун олдида тенглигини таъминлаш жамиятнинг ислоҳ қилишнинг асосий устувор йўналишларидан бири, деб белгиланган.

Рус православ черкови Тошкент ва Ўзбекистон Епархиясининг миллатлараро тинчлик, турли динга эътиқод қилувчи фуқароларнинг тотувлиги ҳамда дўстлигини таъминлашдаги роли юқори баҳоланмоқда. Зеро, православие Ўзбекистонда ислом динидан кейинги энг катта диний конфессиядир. Бугун мамлакатимиздаги 158 христиан ташкилотининг тўртдан бир қисмини православ қавми вакиллари ташкил этиши ҳам буни тасдиқлайди.

Епархиал бошқарма, Тошкент православ диний семинарияси, Муқаддас Успенский кафедрал собори, 32 ибодатхона, икки та аёллар, битта эркаклар монастыри шулар жумласидандир.

Мамлакатимизда қарор топган сиёсий ва диний муҳит Рус православ черкови ва Урта Осиё митрополит округига бундан

### Тадбир

кейин ҳам самарали фаолият кўрсатиш имконини беради. Ўзбекистоннинг энг яши ва чиройли театрларидан бири — Академик рус драма театрида Рус православ черкови Тошкент ва Ўзбекистон Епархиясининг 140 йиллигини нишонлаш учун мамлакатимизнинг турли худудларидан православ дини вакилларининг пойтахтимизга ташриф буюргани ҳам бунинг далилидир.

— Рус православ черкови юбилейини Ўзбек заминидан нишонлаётганимиз қувонарли ҳолдир, — деди Урта Осиё митрополит округи раҳбари, Тошкент ва Ўзбекистон митрополити Викентий. — 140 йил, сўзсиз, шонли ва муҳим сана бўлиб, тарихимизнинг унутилмас саҳифалари, православие динининг дўст Урта Осиё заминидан қарор топиши ҳамда ривожланишидан далолат беради. Шубҳасиз, Рус православ черкови бундан буён ҳам Ўзбекистонда яшаётган халқларнинг бирдамлиги, тинчлик-тотувлиги ва бағрикенглигини таъминлашга ўз ҳиссасини қўшади.

Тадбир Ўзбекистон Республикаси Вази́рлар Маҳкамаси ҳузуридаги Дин ишлари бўйича қўмига қўмағида Рус православ черковининг Урта Осиё митрополит округи

томонидан ташкил этилди.

Ўзбекистон Республикаси Вази́рлар Маҳкамаси ҳузуридаги Дин ишлари бўйича қўмига раиси вазифасини бажарувчи Ортиқбек Юсупов, Инсон ҳуқуқлари бўйича Ўзбекистон Республикаси миллий маркази директори Акмал Саидов, Республика байналмилал маданият маркази директори Насриддин Мухаммадиев ва бошқалар Рус православ черкови Тошкент ва Ўзбекистон Епархияси вакиллари, шунингдек, православие динига эътиқод қилувчиларни ушбу шонли сана билан табриклаш учун маросимга ташриф буюрдилар. Улар Ўзбекистон ҳуқуқимизнинг демократия гоёларига содиқлиги, жамиятни дунёвий ривожлантириш йўли танлангани динлар ҳамда диний озчилик вакиллари учун тенг шарт-шароитлар яратиш имконини берганини таъкидладилар. Ўзбекистонда барча динлар вакиллари диний байрамларни, расм-русм ва маросимларни эмин-эркин ўтказмоқда. Пойтахтимизда Рус православ черкови Тошкент Епархиясининг юбилейига бағишлаб ўтказилган тантанали концерт ҳам шундан ёрқин далолатдир.

Россия Федерациясининг Ўзбекистондаги Фавқулодда ва муҳтор элчиси Владимир Торденев ушбу тадбир Ўзбекистон эътиқод эркинлиги, мамлакатимизда истиқомат қилаётган халқлар ўртасида тинчлик-тотувлик ҳамда бирдамликни мустаҳкамлаш бўйича ўз зиммасига олган халқаро мажбуриятларини сўзда эмас, балки амалда бажарётганининг яна бир тасдиғи эканини таъкидлади.

М. МАМЕТОВА, Ў.А. мухбири.

Реклама ўрнида

**ИПОТЕКА BANK**

Ҳурматли юртдошлар!

Сизни Конституция куни байрами билан табриклаймиз.

Барчангизга сийҳат-саломатлик, тўқин-сочинлик, шоду хуррамлик, юрт тинчлиги ва эл фаровонлиги йўлида амалга ошираётган ишларингизга ривож тилаймиз!

М. МАМЕТОВА, Ў.А. мухбири.

## МУВАФФАҚИЯТЛАРИМИЗ ПОЙДЕВОРИ

Мамлакатимиз спортчиларининг халқаро майдонларда юсак галабаларга эришадигани — истиқлол шарофати ва Президентимизнинг навқирон авлодни ҳар томонлама баркамол этиб тарбиялашга қаратаётган улкан эътибори самарасидир. Мустақиллик туфайли инсон манфаатлари олий қадриятга айлангани, бу тамойиллар Конституциямизда мустақамлаб қўйилгани ана шу ютуқларимиз пойдевори бўлмоқда.

Ўзимдан қиёс. Спорт ривожини учун яратилган замонавий шарт-шароитлар туфайли мен каби оддий бир қишлоқ йигитига нуфузли халқаро мусобақаларда қатнашиш, шохсупага кўтарилиш бахти насиб этди. Бунда юртимизнинг барча худудларида кўркам спорт мажмуалари, сув ҳавзалари, стадионлар барпо этилиб,

зарур инфратузилма яратилгани муҳим омил бўлди. Айниқса, мамлакатимизда навқирон авлодни ҳар томонлама баркамол этиб тарбиялашнинг уч босқичли тизими — "Умид ниҳоллари", "Баркамол авлод" ва Универсиада мусобақаларини ўтказишнинг узлуксиз йўлга қўйилгани бу борадаги эзгу мақсадлар рўёбига хизмат қилмоқда.

Мазкур саъй-ҳаракатлар спортчиларимизнинг халқаро майдонлардаги муваффақиятларида ҳам ўзининг ёрқин ифодасини топмоқда. Уларнинг сафида мен ҳам борлигимдан гурурланаман. Шохсупанинг энг юқори поғонасида туриб, юртимиз шарафига байроғимиз кўтарилиб, давлатимиз мадҳияси янграганида, қалбим чексиз фахрга тўлади.

Жорий йилнинг август ойида Францияда ўтган жаҳон чемпионатида иккинчи бор олтин медални қўлга киритдим. Бунинг натижасида Халқаро дзюдо федерацияси (IJF) томонидан "Дунёнинг энг кучли дзюдочиси", устозим Андрей Штурбабин эса "Энг яхши мураббийи", деб эътироф этилди. Бу ҳам мамлакатимизда спорт тараққий топиб бораётганининг халқаро эътирофидир.

**Ришод СОБИРОВ,**  
дзюдо бўйича икки қарра жаҳон чемпиони.

### Дил сўзи

## БЕКЎС ЎЗГАРИШЛАР САМАРАСИ

Инсон учун саломатлик қанчалик муҳим бўлса, таълим ҳам шу қадар аҳамиятлидир. Шу маънода, истиқлолнинг дастлабки йиллариданоқ халқимиз маънавиятини юксалтириш борасида беқўс ислохотлар амалга оширилиб келинмоқда.

Асосий Қонуниимизнинг 41-моддасида: "Ҳар ким билим олиш ҳуқуқига эга. Бепул умумий таълим олиш давлат томонидан кафолатланади. Мактаб ишлари давлат назоратидадир" дейилган. Дарҳақиқат, таълим тизимида рўй берган беқўс ислохотлар Конституциямизда кўрсатилган ушбу ҳуқуқимизни тўла амалга ошириш имконини бермоқ-

да. Узоқ йиллар ўқитувчилик, илму маърифат соҳасида ишлаган киши сифатида яхши биламанки, илгари бундай замонавий мактабларни кўриш у ёқда турсин, бу ҳақда тасаввур ҳам қилолмас эдик. Бугун эса Истиқлол шарофати, Президентимизнинг эзгу ғоя ва мақсадларига ҳамоҳанг ҳолда қад ростилаётган коллеж ва лицей ҳамда

мактабларни кўриб гурурланиб кетасан, киши.

Шуни алоҳида таъкидлаш жоизки, биз, илму маърифат соҳаси вакилларининг кўнгилда ифтихор ҳиссини туйган ҳолда сидқидилдан меҳнат қилишимиз учун энг катта асос, бу, Президентимиз ғамхўрлиги ва эътиборидир. Шундай экан, Юртбошимиз раҳнамолигида амалга оширилаётган изчил ислохотлар улкан самараларини бераверади.

**Моноар ҲАЙДАРОВА,**  
Ўзбекистон халқ ўқитувчиси.

### Реклама ва эълонлар

#### «RESPUBLIKA MULK MARKAZI» ЁАЖ

БОШЛАНГИЧ БАҲОСИ БОСҚИЧМА-БОСҚИЧ ОШИБ БОРИШ ТАРТИБИДА ЎТКАЗИЛАДИГАН ОЧИҚ АУКЦИОН САВДОСИГА ТАКЛИФ ЭТАДИ!

Аукцион савдосига ТИФ «Миллий банкнинг қўйидаги корхоналар устав фондидаги 100 фоиз улушлари қўйилмоқда»

Т/р	Аукционга қўйилган объект	Корхона жойлашган манзил	Сотувга қўйилган улуш (%)	Закалат миқдори (%)	Бошланғич баҳоси (сўм ёки АҚШ долларлари)	
					Сўм	АҚШ долларлари
1.	«KINDER FRUITS» МЧЖдаги улуш	Тошкент вилояти, Янгийўл шаҳри, Самарқанд кўчаси, 57-уй	100%	3%	16 367 616 000	9 550 481,97
2.	«TOSHKENT QOQ'OZI» МЧЖдаги улуш	Тошкент шаҳри, Фарғона йўли кўчаси, 23-уй	100%	2%	25 854 000 000	14 802 473,38

Аукцион савдоси 2012 йил 9 январь кuni соат 15.00 дан бошлаб ўтказилади. Аукцион савдосида иштирок этиш истагидаги талабгорлардан аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охири мuddати — 2012 йил 6 январь кuni соат 18.00.

Юқоридаги улушлар 2012 йил 9 январьдаги аукцион савдосида сотилмаган тақдирда такрорий аукцион савдоси 2012 йил 12, 16 ва 19 январь кунлари соат 15.00 да бўлиб ўтади.

Аризаларни қабул қилишнинг охири мuddати: 2012 йил 12 январьдаги такрорий савдолар учун — 2012 йил 10 январь кuni соат 18.00; 16 январьдаги савдолар учун — 13 январь кuni соат 18.00; 19 январьдаги савдолар учун — 17 январь кuni соат 18.00.

#### Тўловларни амалга ошириш тартиби.

Аукцион голиби улушнинг сотилиш баҳосидан 15 фоиз миқдордаги маблағни савдо ўтказилганидан сўнг бўнак пули сифатида, қолган қисмини эса олди-соти шартномасида белгиланган мuddатларда сотувчининг ҳисоб рақамига тўлаши шарт.

Объект миллий валютада бўлиб-бўлиб тўлаш шартин билан сотилган тақдирда, сотиб олиш қийматининг

миллий валютадаги қолдиқ қисмига Ўзбекистон Республикаси Марказий банкнинг қайта молиялаштириш ставкаси бўйича фоиз ҳисобланади.

Объект хорижий валютада (ёки унинг эквивалентида) бўлиб-бўлиб тўлаш шартин билан сотилган тақдирда, сотиб олиш қийматининг қолдиқ қисмига банкнинг АҚШ долларини учун база ставкаси бўйича фоиз ҳисобланади.

Ҳужжатларни расмийлаштиришда зарур бўладиган давлат божи ва бошқа харажатлар харидор маблағлари ҳисобидан амалга оширилади.

Мазкур савдода қатнашиш истагидаги талабгорлар савдо ташкилотчиси билан тузиладиган закалат келишувига асосан, мазкур эълонда белгиланган миқдордаги закалат пулини савдо ташкилотчисининг «Ипак йўли» ОАИТБ «Сағбон» филиалидаги қўйидаги ҳисоб рақамига тўлайдилар: 20210000300571452114, МФО: 01036, СТИР: 200933850. Ўзбекистон Республикаси норезидентлари томонидан закалат тўлови эркин муомаладаги валюта (АҚШ долларлари)да ёки миллий валюта (сўм)да амалдаги қонунчиликка мувофиқ тўланади.

Аукцион савдоси ўтказиладиغان манзил:  
Тошкент шаҳри, Олмазор тумани,  
1-Корақамиш кўчаси, 1-«А» уй.  
Телефон: (8-371) 228-79-52.

WWW.RMM.UZ

1651R/280



# ХАЛҚ БАНКИ

## ДАВЛАТ-ТИЖОРАТ ХАЛҚ БАНКИ ЖАМОАСИ

Ўзбекистон Республикаси  
Конституциясининг 19 йиллик  
байрами билан барча юртдошларимизни  
самимий қутлайди!

Давлатимиз равнақи ва юртимиз ободлиги,  
халқимиз фаровонлиги, истиқлолимизни мустақамлаш йўлида  
олиб бораётган самарали ишларингизда улкан зафарлар  
тилаган ҳолда, сизларга соғлиқ-омонлик, хонадонингизга  
тинчлик-хотиржамлик ва қут-барака  
тилаб қоламиз.

КЎТАРИНКИ КАЙФИЯТ ҚАЛЬЛАРИНГИЗНИ  
ТАРК ЭТМАСИН!



### ХАЛҚ БАНКИ — ХАЛҚ ИШОНГАН БАНК!

#### ОБ-ҲАВО

(8 декабрь)



**Корақалпоғистон Республикаси ва Хоразм вилояти.** Ҳаво ўзгариб туради, ёгингарчилик бўлмайди. Туман тушади. Кечаси 7-12, кундузи 0-5 даража совуқ бўлади.

**Бухоро ҳамда Навоий вилоятлари.** Ёгингарчилик қутилмайди. Туман тушади. Ҳарорат тунда 0-5 даража совуқ, кундузи 0-5 даража илик бўлади. Навоий вилоятининг шимолида эса кечаси 7-12, кундузи 0-5 даража совуқ бўлади.

**Тошкент, Самарқанд, Жиззах ва Сирдарё вилоятлари.** Ҳаво ўзгариб туради, ёгингарчилик қутилмайди. Туман тушади. Кечаси 0-5 даража совуқ, кундузи 0-5 даража илик бўлади.

**Қашқадарё ва Сурхондарё вилоятлари.** Ёгингарчилик бўлмайди. Туман тушади. Ҳарорат кечаси 0-5 даража совуқ, кундузи 3-8 даража илик бўлади.

**Андижон, Наманган ва Фарғона вилоятлари.** Ҳаво ўзгариб туради, ёгингарчилик қутилмайди. Туман тушади. Тунда 0-5 даража совуқ, кундузи 0-5 даража илик бўлади.

**Тошкент шаҳри.** Ёгингарчилик қутилмайди. Эрталаб (соат 11 гача) ва кечкурун (соат 17 дан кейин) туман тушиши мумкин. Ҳарорат кечаси 2-4 даража совуқ, кундузи 2-4 даража илик бўлади.

«Ўзгидромет» маълумотлари асосида тайёрланди.

UZBEKNEFTEGAZ

## «ЎЗБЕКНЕФТГАЗ»

МИЛЛИЙ ХОЛДИНГ КОМПАНИЯСИ ЖАМОАСИ

барча юртдошларимизни  
Асосий Қонунимиз —

### Ўзбекистон Республикаси Конституцияси

қабул қилинганлигининг

## 19 йиллиги

билан муборакбод этади!

«Халқ сўзи»нинг навбатдаги сони 10 декабрь, шанба кuni чиқади.

Халқ сўзи  
Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1254. 48409 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

ТЕЛЕФОНЛАР:  
Девонхона 233-52-55;  
Котибият 233-10-28; Эълонлар 232-11-15.

Тахририятга келган қўлёзмалар тақриз қилинмайди ва муаллифга қайтарилмайди.  
Реклама материаллари учун тахририят жавобгар эмас.

Газета тахририят компьютер марказида терилди ҳамда операторлар Ж. Тоғаев ва М. Бегмуратов томонидан саҳфаланди.

• МАНЗИЛИМИЗ:  
100000,  
Тошкент шаҳри,  
Матбуотчилар кўчаси, 32-уй.  
Навбатчи котиб — А. Орпиров.  
Навбатчи муҳаррир — Қ. Хидиров.  
Навбатчи — Ф. Шералиев.  
Мусаҳҳиҳ — С. Исмолов.

«Шарқ» нашриёт-матбаа акциядорлик компанияси босмаҳонаси. Корхона манзили: «Буюк Турон» кўчаси, 41. ЎЗА якуни — 22.15 Топширилди — 00.30 1 2 3 4 5